

لأروز للإنتاج الفني

مسرحية الأطفال

عبود في العيد

تأليف : طلال المولوي

الفصل الأول

تفتح الستار على ساحة هي (فريج) تجمع ما بين الحديث والقديم .. هناك بعض البيوت وهناك باب بارز لبيت قديم نوعا ما وهو بيت بشير .. يدخل الأطفال (اولاد وبنات) بينهم فطوم شقيقة عبود والجميع يلبس ملابس العيد الجديد ينشدون بأغنية خاصة عن العيد ويمكن الإستعانة بأغاني العيد المعروفة من التراث الشعبي مثل اغنية يالعايدوه .

ومن خلال هذا الإستعراض الغنائي يوضح كيف يمارس العيد في مجتمعنا حيث نرى الأطفال من خلال غنائهم يجمعون العيديه من البيوت .

بعد الإنتهاء من الإستعراض .. تخرج فطوم ويبقى مجموعة اطفال يعيدون على البيوت . يخرج بشير من بيته وهو بملابس رياضية يقف وينظر للأطفال حزينا (تدخل المربية ترى بشير ..

المربية : بشير .. ما شفتش عبود

بشير : لا ..

المربية : الله .. بشير انت ليش مش لابس ملابس العيد

بشير : هه ..

المربية : مش حتخرج تعيد مع الأولاد

بشير : لا ..

المربية : لا ليه ..

بشير : علشان .. علشان .. علشان

المربية : (مقاطعه) علشان ايه ..

بشير : ما ابي اعيد ؟؟

المربية : ليه يا بشير .. ده العيد فرحه لكل الناس .. ياالله يا بني ادخل البس

هدومك الجديده بتعت العيد واخرج عيد مع الولاد يالهوي يا خرابي ..

دنا نسيت ادور على عبود (تنادي) عبود .. يا عبود (تخرج)

بشير : البس ثياب العيد الجديده .. بس أنا ما عندي ثياب جديده محد اشترى لي

ثياب جديده ..

(يدخل بشير المنزل وهو حزين)

(يدخل سلوم وصلوح وפטوم)

- سلوم : عيدنا في الفريج كله ٠٠ وعبود للحين ما جه ٠٠ وين راح اخوج
פטوم : انا تركته في البيت يلبس ملابس العيد
صلوح : عبود هذا كله متأخر ٠٠ يمكن للحين راقد
פטوم : لا يا صلوح عبود صاحي من الصبح وراح صلى مع ابوي صلاة العيد ٠٠
ورجع ٠٠

- سلوم : انزين يا الله نروح الفريج الثاني
פטوم : لا يا سلوم ٠٠ امي قالت لي لا ترحون بعيد
سلوم : الفريج الثاني قريب مب بعيد وأنا أدل الطريق لا تخافون
פטوم : خلونا ننظر اخوي عبود
صلوح : ايه نروح المطعم أو المعصره ناكل لين يجي عبود
سلوم : وانت كله تبني تاكل ما تشبع اكل ٠٠
صلوح : يوعان ٠٠
פטوم : صلوح ٠٠ الأكل الكثير مب زين
صلوح : خلاص نمر الدكان نشترى حلويات
פטوم : توك ماكل حلويات والحلويات الكثيره تضر جسمك و اسنانك

(تدخل المربيه)

- المربيه : عيدك مبارك يا اولاد
الجميع : عيدج مبارك
المربيه : هه ٠٠ ان شاء الله جمتمعوا فلوس كثيرة ٠٠
سلوم : وانت ايش لج خص
פטوم : عيب يا سلوم محد يكلم الأكبر منه هالشكل
المربيه : امال فين عبود
פטوم : عبود ٠٠ كان في البيت
المربيه : لا ٠٠ عبود خرج من نص ساعة

- صلوح : تحصلونه راح يعيد بروحه ٠٠ ومخلينا ننظره انيه
- فطوم : وين راح عبود يا حلیمه
- المربيه : معرفش امكم موصياني عليكم علشان ما ترحوش بعيد ٠٠
- (تهم المربيه بالذهاب)
- فطوم : وين رايحه يا حلیمه
- المربيه : رايحه اشوف اخوكي عبود (تخرج يدخل عبود من وسط الصاله وهو يعيد مع الأطفال وما أن يصل المسرح حتى يتجمع عليه الأصدقاء)
- (يعيد على الأصدقاء)
- عبود : عيدج امبارك يا فطوم
- فطوم : عيدك مبارك
- عبود : عيدكم مبارك يا سلوم ٠٠ عيدك مبارك يا صلوح ٠٠ (لا يردون عليه)
- (عبود يسأل فطوم) اشفيهم ما يردون
- فطوم : ما أدري
- صلوح : احنا زعلانين منك
- عبود : مني ٠٠ ليش أنا ايش سويت
- سلوم : وينك تأخرت
- عبود : رحنا اعيد
- سلوم : بروحك ٠٠٠
- صلوح : ليش ما خذتنا معاك
- عبود : انتو من الصبح تعيدون أنا رحنا اعيد على اهل الفريج واسلم واعيد على الكبار جدتي وجدي وخالي وخالتي وعمي وعمتي وراعي الدكان والسستي
- سلوم : (بتودد) عبود كم جمعت فلوس
- عبود : وايد ٠٠
- صلوح : اميه
- عبود : اكثر ٠٠
- سلوم : ميتين ٠٠

- عبود : اكثر ٠٠
- فطوم : ثلاث اميه
- عبود : اكثر
- صلوح : الف ٠٠
- عبود : اقل ٠٠
- سلوم : خمس اميه
- عبود : اقل ٠٠
- فطوم : اربع اميه ٠٠
- عبود : اكثر ٠٠
- صلوح : كم جمعت قولنا يا عبود ٠٠
- عبود : اربع اميه ونص ريال ٠٠
- (الجميع مستغرباً وغير مصداً)
- سلوم : اربع اميه
- عبود : ونص ريال
- صلوح : ونص ريال
- عبود : وأربع اميه
- سلوم : لا تقص علينا يا عبود
- عبود : أنا ما أكذب
- صلوح : انزين وين عيديتك
- عبود : في مخباي
- سلوم : خلنا نشوفها
- (عبود يخرج من جيبه النقود بحرص)
- عبود : شوفوا ٠٠٠ شوف يا سلوم عدل ٠٠ وانت يا صلوح شوف عدل
- سلوم : بس احنا ما جمعنا عيديه هالكتر ٠٠ مع أن درنا الفريج كله ٠٠
- فطوم : تدرون ليش ٠٠ لأن كل ما جمعنا اشويه فلوس رحنا الدكان أو المعصره
- صلوح : انزين يا عبود ما قلت لنا ايش بتسوي بعيديتك

- عبود : بخش نصھا علشان لین اکبر اشتری سیاره
- سلوم : والنص الثاني ایش بتسوي فيه؟
- عبود : باشتري هديتين
- صلوح : هدية لي ..
- سلوم : والهدية الثانية لي ..
- عبود : لا .. باشتري هديه حق امي وهديه حق ابوي
- سلوم : (بغضب) انزين يالله بسرعة خلونا نروح .. الفريج الثاني
- صلوح : يالله علشان نجمع فلوس قد عبود
- عبود : لحظه .. عيل وين رفيجنا بشير
- فطوم : ايه صح وين بشير .. محد شافه اليوم
- عبود : يمكن مريض ..
- سلوم : لا مريض ولا شي .. تحصله رايح يعيد بروحه
- عبود : لا ياسلوم .. بشير صديقنا ودائماً معانا .. ما يروح يعيد بروحه
- فطوم : خلونا نروح له البيت ونسأل عنه
- سلوم : بعدين .. اللحين خلونا انروح الفريج الثاني
- عبود : وبشير
- صلوح : هالشكل بنتأخر وما راح نجمع عيديه
- فطوم : يا صلوح العيد مب بس انجمع فيه عيديه...العيد فيه اشياء كثيرة غير الفلوس .. في العيد الناس تزور بعضها وتسأل عن بعضها وفي العيد نتصافح ونتسامح
- عبود : يالله نسأل عن بشير
- (يقتربون من منزل بشير .. يطرقون الباب ، يخرج بشير بملابس رياضييه وهو حزين)
- عبود : عيدك مبارك يا بشير
- بشير : عيدكم مبارك
- فطوم : بشير .. ليش مب لابس ثياب للحين

- بشير : (محرراً) تعبان اشوي ٠٠
- عبود : مريض
- بشير : هه ٠٠ اينعم مريض اشوي
- سلم : يعني مب جاي تعيد معانا
- بشير : لا ٠٠ لا ما راح اعيد ٠٠ لأنني مريض
- عبود : بس انت الحمد لله صاحي ما فيك شي ٠٠ تعال عيد معانا
- بشير : يا عبود انا تعبان ياالله عيدكم مبارك
- عبود : اشفيه بشير ٠٠ تصرفاته غريبه
- سلم : ياالله تروح نعيد في الفريج الثاني
- عبود : انزين انتوا روحوا وانا بلحقكم
- فطوم : نسيت شي باروح اجيبه وبلحقكم
- المرييه : انزين يا عبود لا تتأخر
- عبود : ان شاء الله (يخرج الجميع ويبقى عبود بنفسه)
- عبود : أنا لازم اعرف بشير اشفيه (يطرق الباب يخرج بشير)
- بشير : عبود ٠٠٠ تبني شي ٠٠
- عبود : ايه ابي ٠٠ ابي اعرف اشفيك ٠٠ ليش ما تبني تجي تعيد
- بشير : قلت لك يا عبود اني مريض
- عبود : بشير لا تكذب ٠٠ الكذب حرام
- بشير : انا ما اكذب يا عبود
- عبود : بعد رد يكذب ٠٠ انا رفيجك عبود ٠٠ لا تقص علي ٠٠
- بشير : بصراحه يا عبود انا فعلاً كذبت عليكم وقلت لكم اني مريض بس الحقيقه
- اني ما اقدر اعيد معاكم ٠٠
- عبود : وليش ؟
- بشير : انت عارف يا عبود ان ابوي متوفي
- عبود : ابوك متوفي انت ما قلت ان ابوك ميت
- بشير : ايه ميت ومتوفي نفس الشي ومحد اشترى لي ملابس جديده للعيد

- عبود : يعني ما عندك ثياب حق العيد
- بشير : لا ..
- عبود : ولىش ما قلت لي يا بشير
- بشير : بصراحه كنت خجلان منكم
- عبود : ولا يهكم يا بشير أنا فصلت ثوبين للعيد بعطيك ثوب تعيد فيه
- بشير : لا يا عبود
- عبود : شنهو لا يا عبود .. احنا اصدقاء والأصدقاء لازم يتعاونون أنا عندي ثوبين انت تلبس ثوب وأنا البس ثوب
- بشير : بس يا عبود هذي ثيابك مالت العيد ما يصير اخذها منك
- عبود : احنا صح نفرح بثياب العيد الجديده بس فرحة العيد تكون أكبر وأحلى لين كلنا نكون فرحانين... ياالله يا بشير انا اللحين بافصح لك الثوب
- بشير : بتفصح ثوبك اللي لابسه ..
- عبود : ايه .. ويش فيها
- بشير : انت ما قلت ان عندك ثوبين
- عبود : ايه عندي ثوبين .. لابس الثوبين فوق بعض
- بشير : ثوبين فوق بعض
- عبود : ايه لانه خفت ثوبي الأول يتوصخ قلت بدال ما أرجع البيت اغير البسهم الأثنين مع بعض (عبود يهم بخلع ثوبه)
- بشير : عبود .. حد يفصح في الشارع
- عبود : لا تخاف .. لابس الثوب الثاني تحت
- بشير : واذ توصخ ثوبك ايش راح تسوي
- عبود : لابس تحتهم ملابس رياضه .. (يخلع عبود ثوبه ويعطيه لبشير)
- بشير : اللحين باحس بفرحة العيد مثل باقي الأطفال .. شكراً يا عبود .
- عبود : لا شكر على واجب ياالله بسرعة البس ثوبك والحق سلوم وصلوح وفطوم
- علشان تعيد معاهم ..
- بشير : وانت يا عبود

- عبود : انا بلحقكم بس نسيت اعيد على بيتنا
- بشير : ما عيدت على ابوك وامك
- عبود : عيدت عليهم من الصبح بس احنا ما نروح كل البيوت نعيد عليهم ..
- بشير : صح
- عبود : بيتنا ما عيدونا .. تعال نروح نعيد على بيتنا ..
- (يطرقون الباب ، تخرج المربيه)
- عبود : عيدكم مبارك يا أهل البيت
- وبشير
- المربيه : عبود .. انت هنا وانا بدور عليك
- عبود : انتي ايش تبين منى كل مكان لاحقتي ..
- المربيه : أنا خايفه عليك يا عبود تروح منيه والا منيه
- عبود : لا تخافين .. مب رايح بعيد .. يالله عطونا عيديه
- المربيه : عيديه ايه ..
- عبود : عيديه .. يعني فلوس
- المربيه : وفي حد بيعد على بيتهم
- عبود : ليش انتوا غير .. ما تعيدون الناس
- المربيه : بنعيدهم
- عبود : عيل خلاص عطونا عيديه
- المربيه : (تضحك) طيب خلاص .. خود يا عبود .. (تعطي عبود ريال)
- عبود : وعيدي بعد بشير
- المربيه : وانت كمان يا بشير كل عام وانت بخير .. (تعيطه ريال)
- عبود : بس ريال واحد
- المربيه : ما تبعدش يا عبود
- عبود : حاضر (تدخل المربيه وتغلق الباب)
- عبود : بشير خذ هذا الريال بعد
- بشير : ليش يا عبود

- عبود : هذي عيديه مني لك .. انا كبر منك ولازم اعيدك ياالله خذ
- بشير : (ياخذ الريال) انزين ياالله نلحق سلوم وصلوح وفطوم
- عبود : روح انت الحقهم وانا بجيكم بعدين
- بشير : مع السلامه ..
- عبود : مع السلامه (يخرج بشير ويبقى عبود)
- عبود : اللحين حلیمه تعيدني انا ريال واحد .. أنا صرت كبير وتعديني ريال ..
- معليه بتشوفين يا حلیمه (يذهب عبود ويتكرر بحيث يظهر وجهه متغيراً
- يقترّب من بيته ويطرق الباب وما أن تفتح حلیمه)
- عبود : عيدكم مبارك يا اهل البيت
- المربيه : عيدك مبارك .. تفضله .. (تعطيه ريالاً) وتدخل ، مغلقة الباب)
- عبود : (يكشف عن نفسه) قصيت عليها ..
- (يغير عبود من نفسه مرة اخرى ويذهب ويكرر نفس الشيء فتخرج
- المربيه وتعطيه ريالاً)
- (يضحك عبود ويكرر ذلك ثلاث مرات) (يدخل طفل يصيح)
- عبود : اشفيك تصيح - ..
- الطفل : فلوسي ضاعت
- عبود : وبين ضاعت
- الطفل : كان عندي ثلاثة ريال رحى الدكان دورى فى مخباي ما حصلتهم
- عبود : ثلاثة ريال وبس
- الطفل : ايه ..
- عبود : (يعد النقود التي بيده والتي عيدها من بيتهم) ثلاثة ريال بالضبط خذ
- هذي الثلاثة ريال بس لا تصيح
- الطفل : (ياخذ الثلاثة ريال) شكراً (يخرج الطفل)
- عبود : خلني العوز حلیمه واخليها تعيدني بعد مره
- (يتكرر عبود ويقترّب من باب البيت تكون المربيه حلیمه خارجه ومعها
- صحن به طعام فتصطدم بعبود فيع عليه الطعام ويتسخ ثوبه قليلاً)

- المربيه : يا لهوي ٠٠ يا خرابي ٠٠ اعمل ايه دلوقتي كنت عامله الأكل ده لأم بشير
- عبود : (يكشف عن نفسه ٠٠) انتي ايش سويتي ٠٠ وصختي ثيابي
- المربيه : عبود ٠٠ يا لهوي يا خرابي ٠٠ اقولك لأمك ايه ٠٠ الأكل وقع مني
- عبود : انتي ما تقولين ان هالأكل حق ام بشير
- المربيه : ايوه ٠٠
- عبود : خلاص سوي لها اكل ثاني ٠٠
- المربيه : وثيابك
- عبود : اشفها
- المربيه : توسخت
- عبود : معلية ٠٠ المهم انتي لا ترعلين
- المربيه : مش انت عندك توبين للعيد
- عبود : ايه ٠٠
- المربيه : خلاص روح غير والبس الثوب الثاني
- عبود : هذا هو الثوب الثاني
- المربيه : والثوب الأولاني فين
- عبود : فصخته ٠٠
- المربيه : فصخته فين ٠٠
- عبود : في الشارع
- المربيه : يا لهوي ٠٠ يا خرابي فين في الشارع ٠٠ قولي فين علشان اروح اجيبه
- عبود : (يحدث نفسه ٠٠) شاقولها اللحين ٠٠ انا ما ابي اقص عليها واكذب وبعد
- ما ابي اقولها عطيته حق بشير اخاف تفضحه وتفشله جدام سلوم وصلوح
- المربيه : عبود تكلم قولي الثوب بتاعك فين ٠٠
- عبود : انا بقول حق امي
- المربيه : تقولها ٠٠ تقولها ايه
- عبود : بقولها ان عطيت ثوبي حق واحد مسكين ٠٠
- المربيه : واحد مسكين يعني واحد طرار

- عبود : لا مب طرار ٠٠ مسكين ٠٠ فيه فرق بين مسكين وبين طرار
- المربيه : ليه يا عبود ٠٠ ليه يا عبود تعمل كده
- عبود : يا حلیمه انا ما سویت شي غلط انا ساعدت واحد مسكين
- المربيه : ومين هو ٠٠ علشان اروح اجيب التوب منه
- عبود : شنهو من هو ٠٠ خلاص هو خذ الثوب وراح
- المربيه : راح ٠٠٠ راح يالهوي ٠٠ امك حتعمل في ايه
- عبود : شنهو امك حتعمل في ايه ٠٠ امي طرزان ٠٠ بنقولها ايش سوبنا في الثوب وخلاص ٠٠
- المربيه : طيب تفضل قدامي وقولها انت
- عبود : لا انتي تفضلي جدامي لأنك انتي الأكبر
- المربيه : حاضر ٠٠
- (تخرج المربيه ويخرج خلفها عبود)
- (يدخل صلوح وפטوم وسلوم الذي معه عدة العاب)
- صلوح : انا خلاص تعبت مب قادر اكمل
- פטوم : انت ايش سویت علشان تتعب كل اشوي موقف عند دكان تشتري حلاوه او عند معصره تاكل
- سلوم : وانا بعد تعبت
- פטوم : عيل خلاص اللحين كل واحد يروح البيت
- صلوح : (يعد نقوده) بس انا صرفت فلوسي على الحلويات والأكل
- سلوم : وانا صرفت فلوس العيد على الألعاب
- פטوم : انا الحمد الله فلوسي عندي
- صلوح : فطوم ٠٠ تعالي نشترى حلاوه
- פטوم : لا ما ابي
- صلوح : انزين انتي اشترى لي حلاوه من فلوسج
- פטوم : انت ما عندك فلوس
- صلوح : عندي اشوي ٠٠

- فطوم : خلاص اشتر بفلوسك
- سلوم : صلوح .. فطوم بخيله ..
- فطوم : انا مب بخيله .. بس لازم اصرف فلوسي في اللي ينفعني ويفيدني مب كله حلويات وألعاب (تدخل المربيه)
- المربيه : الحمد لله ان أم عبود معملتش لي مشاكل دي فرحت ان عبود اعطى توبه للمسكين ..
- فطوم : حلیمه ..
- المربيه : فطوم .. حبييتي انتي كنتي فين
- فطوم : كنت ايعد وين عبود ..
- المربيه : عبود .. قاعد في البيت
- سلوم : ايه حصل فلوس وايد ما يبي يعيد معانا (يدخل بشير)
- بشير : السلام عليكم
- الجميع : وعليكم السلام
- سلوم : بشير انت ما قلت انك مريض
- بشير : هه .. الحمد لله .. صرت زين .. وطلعت اعيد .. دورت عليكم في الفريج الثاني علشان اعيد معاكم ..
- صلوح : جمعت عيديه
- بشير : الحمد لله ..
- سلوم : اشكر جمعت
- بشير : بصراحه ما عديتهم اذا رحت البيت بعدهم
- سلوم : وايش بتسوي في عيديتك يا بشير
- بشير : باعطيا حق امي
- صلوح : ليش ..
- بشير : يمكن امي محتاجه شي تبني تشتريه
- سلوم : ليش ما تشتري فيها ألعاب .. انت ما عندك سيكل اشترى سيكل ..

- صلوح : او تشتري حلويات
- بشير : السيكل والحلويات مب مهمين عندي ٠٠ وأمي ما عندها فلوس وهي اكيد محتاجه تشتري اشياء ٠٠
- فطوم : انا خلاص تعبت وبروح البيت ٠٠
- المربيه : خويني معاكي يا فطوم ٠٠
- (يدخل عبود وهو يحمل الطعام)
- عبود : بشير زين الل حصلتاك
- سلوم : شنهو هذا يا عبود ٠٠
- عبود : هذا اكل ٠٠
- صلوح : اكل يا سلام يا عبود ٠٠ جايب لنا اكل ٠٠
- عبود : هذا مب لك ٠٠ اشفيك انت كله اكل ٠٠ هذا بشير من امي جود يا بشير وده بيتكم ٠٠
- بشير : شكراً يا عبود ٠٠
- (يأخذ بشير الطعام ويذهب للبيت)
- عبود : حلیمه روعي البيت علشان تغسلين ثوبي ٠٠ علشان بالبسه وبنطلع
- فطوم : وين يا عبود
- عبود : بنروح الكورنیش
- فطوم : مع من ٠٠
- عبود : ابوي ببودينا العصر الكورنیش
- سلوم : عبود صبح بتروحون الكورنیش
- عبود : ايه ٠٠ انا وفطوم وامي وأبوي وحليمه ٠٠
- المربيه : طيب الحق اغسل التوب بتاعك بسرعه (تذهب حلیمه)
- سلوم : انا بروح اقول حق ابوي يودينا الكورنیش
- عبود : ايش رايكم تجون معنا
- سلوم : معاكم
- عبود : قول حق ابوك ابي اروح مع عبود الكورنیش

اظلام

13

الفصل الثاني

تفتح الإضاءة ، يظهر مقطع من الكورنيش قريباً من الشارع الرئيسي وهو وهمي تظهر بعض ابتهاجات العيد مثل الألعاب النارية او الكرنفالات او الإستعراضات او ما شابه ذلك كمن احتفالات الأعياد ويظهر ذلك من خلال اغنيه استفتاح للفصل الثاني توضح فرحة الأطفال بالعيد بعد انتهاء الإستعراض الغنائي .. نرى الأطفال منتشرون فس ساحة الكورنيش يلعبون

(يدخل عبود وفتوم ومعهما صلوح وسلوم وهم بملابس العيد ..)

- فتوم : يا سلام ما أحلى الألعاب النارية
صلوح : (يلمح شيئاً) الله يا سلام .. شنهو ذيه ؟
سلوم : اشفيك يا صلوح
صلوح : لا لا ما اقدر .. يا سلام .. يا سلام ..
عبود : اشفيك .. اشفيك متخرج ..
صلوح : شايفين الرجال اللي يبيع الإسكريم هناك
(الجميع ينظر للجبهة التي يشير لها صلوح)
فتوم : اشفيه يا صلوح ..
صلوح : ابي اروح اشترى منه ايسكريم
عبود : بس يا صلوح .. هذا على الشارع الثاني اشلون بتقطع الشارع يمكن
سياره تدعمك ..
سلوم : انا بعد خاطري اشترى ايسكريم ..
فتوم : والشارع .. والسيارات ..
سلوم : احنا نعرف نعبر الشارع .. احنا مب صغار ..
فتوم : ترى بروح اعلم عليكم ابوي ..
عبود : ايه يا سلوم ابوي قال العبوا اهنية ولا ترحون الشارع
سلوم : يا عبود .. اشفيك خايف ..

- عبود : أنا خايف ..
- سلوم : ايه خايف .. اذا مب خايف تعال اعبر الشارع معانا ..
- عبود ك : خلاص .. انا برويك اني ما اخاف وراح اعبر الشارع معاكم
- فطوم ك : عبود .. لا تسمع كلامهم
- عبود : انا ما اسمع كلامهم بس ابي اثبت لهم اني مب خواف
- فطوم : عبود ترى بروح اعلم ابوي
- عبود : لا خلاص .. ما ابي اروح
- سلوم : شفت يا صلوح ما قلت لك ان عبود خواف
- صلوح : ايه خواف .. شوفوا الايسكريم اشلون حلو في يد الأولاد
- سلوم : عيل تعال نروح انا وانت ونخلي الخواف بروحه ..
- عبود : سلوم احترم نفسك انا مب خواف
- سلوم : اذا مب خواف تعال معانا
- عبود : اذا جيت معاكم فطوم بتعلم ابوي
- سلوم : (يسحب عبود وصلوح على جنب ويهمس لهم) ايش رايكم ناخذها معانا
- صلوح : من
- سلوم : فطوم
- عبود : اشلون وهي مب راضيه ..
- سلوم : نقولها بننشري لها ايسكريم على حسابنا
- عبود : نشوف .. يالله تعالوا نكلمها ..
- (يقتربون من فطوم)
- عبود : فطوم ايش رايج تجين معانا وننشري لج ايسكريم على حسابنا ..
- فطوم : لا .. مب راичه معاكم
- عبود : عيل اسكتي لا تعلمين ابوي وبنشتريلج ايس كريم
- فطوم : لا .. اذا رحتوا بعلم ابوي
- عبود : يا فتانه ..
- فطوم : انا مب فتانه بس اللي بتسونه انتوا غلط ..

(يجتمعون الثلاثة بعيدا عنها)

- سلوم : اشلون نتصرف مع فطوم
عبود : ناخذها معانا بالقوه
صلوح : فكره حلوه يا عبود
- (يهمون بالإمساك بفطوم واخذها معهم بالقوه .. تحاول فطوم الهرب
تدخل المربيه وهي تاكل موز وترمي القشر على الأرض ..)
- سلوم : هذي ايش جابها اللحين ..
صلوح : اللحين بيروح بيع الإيسكريم ..
عبود : لا تخافون .. خلوني انا بتصرف معاها .. (يقترب عبود من حلیمه)
عبود : حلیمه ايش تسوين
حلیمه : باكل موز .. تاكل يا عبود
عبود : ما ابي اكل .. انتي اشلون تاكلين موز وتقطين القشر على الأرض ..
حلیمه : وفيها ايه ..
عبود : فيها ايه .. شنهو فيها ايه يا حلیمه والنظافه .. احنا لازم نحافظ على
نظافه مدينتنا ..
- فطوم : وبعدين يا حلیمه يمكن حد يمشي على القشر ويطيح ..
سلوم : صح ..
صلوح : بعدين تتكسر رجله ..
عبود : انتي ما تعرفين اللي يوصخ الشارع يخالفونه ..
حلیمه : يخالفونه .. ليش هي سياره ..
عبود : يخالفونه ويمكن يحبسونه ..
حلیمه : يحبسوه يا لهوي .. اعمل ايه دلوقتي ..
عبود : تروحين تجمعين قشر الموز كله وترمينه ..
حلیمه : ارميه فين ..
فطوم : في سلة المهملات .. الكورنيش ملينا سلات مهملات ..
حلیمه : حاضر .. انا حاروح اجمع كل قشر الموز وارميه بالزباله

- (ما ان تستدير حتى تتزحلق بفشرة موز وتقع)
- فطوم : شفتي يا حلیمه ٠٠ هذا جزاء عملك ٠٠
- حلیمه : (تقف وهي تعرج) لا أنا لازم اروح الم الزباله ٠٠
- (تخرج ونسمع صوتها من الخارج تصرخ)
- عبود : ياالله بسرعة نروح قبل لا ترجع حلیمه
- فطوم : وين بترحون
- عبود : (يقترب) احنا ما قلنا لج ٠٠
- فطوم : لا ٠٠
- عبود : احنا ما خبرناج
- فطوم : لا ٠٠ (يمسكها عبود ويسحبها)
- عبود : بنروح نشترى ايس كريم
- فطوم : (تصرخ) ما ابي اروح معاكم ٠٠ هدوني ٠٠ هدوني ٠٠ (يقتربون من الشارع الوهمي نسمع صوت ابواق سياره وكل ما يحاولون العبور نسمع صوت بوق سياره او صوت فرامل سياره يتوقفون على الرصيف)
- صلوح : ما في فايده ما في ولا سياره راضيه توقف ٠٠
- عبود : ايش بنسوي اللحين ٠٠
- سلوم : اسمعوا ٠٠ خلونا نجري في الشارع بسرعه والسيارات اذا شافونا بيوقفون
- عبود : واذا ما وقفوا بيدعمونا ٠٠
- سلوم : لا راح يوقفون انا متأكد ٠٠ أنا برويكم ٠٠
- فطوم : سلوم ٠٠ وقف يا سلوم ٠٠
- (يهم سلوم ٠٠ ويعبر وسط الشارع جرياً ٠٠ نسمع صوت فرامل قوي يهرب سلوم عند اصدقائه ٠٠ ثم نسمع فرامل اخر واصطدام سياره)
- عبود : ابيه يا سلوم ٠٠ خلّيت السيارات يتداعمون ٠٠
- صلوح : اللحين ببجون الشرطه ٠٠
- سلوم : الشرطه ٠٠ خلونا نشرد بسرعه

- (يهربون وتبقى فطوم مكانها)
- (تدخل المربية وهي فرحة وتتفاجئ بهروب الأولاد)
- المربية : فيه ايه .. مالهم بيجروا كده ..
- فطوم : سلوم خلا السيارات يتداعمون
- المربية : يا خرابي يا لهوي ..
- (يدخل رجل قادماً من جهة الشارع الوهمي)
- الرجل : وينه ؟ وينه
- المربية : من هو ..
- الرجل : الولد اللي كان يبي يعبر الشارع
- المربية : معلش .. ده ولد جاهل شقاوة جهال .. هدي اعصابك ..
- الرجل : اهدي اعصابي .. اشلون .. ولدكم بغى يذبحننا ليش ما تمسكون عيالكم
- فطوم : معليه .. يا عمي احنا غلطانين واسفين ..
- الرجل : يا بنيتي الحمد الله ان الحادث خفيف بس لازم تفهمون ان في اشياء انتوا
- تعتبرونها لعبكن ممكن تكون خطر يهدد حياة الاخرين ..
- المربية : كلامك صحيح بس انا تعبت معاهم ..
- الرجل : على العموم حصل خير هالمره .. وارجو ان شقاوة اليهال هذي ما تكرر
- مره ثانية يبي يعبرون الشارع فيه اشارات مرور فيه خطوط مشاه ..
- فطوم : كلامك صحيح يا عمي ..
- الرجل : مع السلامة .. (يخرج الرجل)
- فطوم : صحيح ليش ما رحنا نعبر من عند خطوط المشاه ..
- (يدخل عبود جلسه وهو مختفي خلف شجره)
- عبود : فطوم .. فطوم ..
- (تبحث فطوم عن الصوت الذي يناديها فلا تراه .. ٩)
- فطوم : ما كنه حد يناديني ..
- المربية : آه .. انا سمعت حد بيناديكي ..
- عبود : (ينادي) فطوم أنا عبود .. تعالي اهنية انا ورا الشجره ..

(تلمحه فطوم)

- فطوم : عبود ٠٠ ايش تسوي عندك (يظهر عبود ٩)
- عبود : انا منخش علشان ما يشوفني الرجال
- المربيه : ليه يا عبود كده ٠٠ يعني انت عارف ان اللي عملتوه غلط ٠٠
- عبود : مب انا ٠٠ هذا سلوم
- (يدخل صلوح وسلوم خلسه تمسكهما المربيه ٩)
- المربيه : تعالوا ٠٠ حتروحوا فين ٠٠
- سلوم : اخر مره يا حليمه ٠٠
- صلوح : احنا كنا بنروح نشترى ايسكريم ٠٠
- المربيه : وليه ما تقولتولي ٠٠
- عبود : اكيد بترفضين ٠٠
- المربيه : وارفض ليه كان خدتكم معايا ورحنا مع بعض
- عبود : يعني كنتي بتوافقين
- المربيه : ايوه ٠٠ تعالوا معايا (تقترب المربيه من الشارع والجميع معها)
- المربيه : بصوا ٠٠ من هنا لا يمكن حد يعبر الشارع ٠٠ لأنه فيه خطر عليه ولعى الناس ٠٠
- فطوم : مثل ما بغى سلوم يسوي وخلا السيارات تتداعم
- المربيه : بالظبط تعالوا معايا ٠٠
- (تأخذ وتذهب لجزء من الشارع به اشارة مرور وخطوط مشاه واضحه)
- بصوا ٠٠ اذا حد عايز يعبر الشارع يضرب الزرار اللي موجود في الإشاره ولما بتصير الإشاره خضرا نعبر الشارع من فوق خطوط المشاه ٠٠ وكده نكون احنا والسيارات بسلام ٠٠
- صلوح : انزين يالله نروح نشترى ايسكريم ٠٠
- المربيه : يالله ٠٠ بس زي ما اتفقنا نعبر لما بتصير الإشاره خضرا ومن فوق خطوط المشاه ٠٠
- الجميع : ان شاء الله ٠٠

(تضغط المربيه على الزر الموجود بالإشاره ثم تضئ اشاره المشاره
باللون الأخضر ويعبرون الشارع)

(يظهر بائع الإيسكريم امامهم على الجانب الآخر من الشارع)

المربيه : ياالله اشترؤا واخلؤنا نرجع ٠٠

(البائع يعطيهم الإيسكريم وكل يحاسب عن نفسه وعندما يريد عبود أن
يحاسب لا يجد نقوده فيفتش جيوبه جيداً)

عبود : فلوسي ٠٠ فلوسي ٠٠

فطوم : عبود اشفيك ٠٠

عبود : فطوم مب محصل فلوسي ٠٠

المربيه : دور عليها كويس يا عبود

عبود : دورت كل مخابي ٠٠ ما في شي ٠٠

سلوم : يمكن خليتها في البيت ٠٠

عبود : لا يا سلوم ٠٠ انا ما شلت الفلوس من مخابي ٠٠

(صلوح يأكل الإيسكريم غير مبالي بما يحدث)

فطوم : انزين يا عبود انا بشتريك ايسكريم على حسابي ٠٠

عبود : مب مشكله الإيسكريم اللحين ٠٠ فلوسي عيدتي كلها ضاعت ٠٠

المربيه : يمكن وانتؤا بتلعبؤا وقعت منك

عبود : اشلون وقعت مني وما حسيت فيها عيدتي راحت يا حليمه

المربيه : ما تخفش يا عبود حنور عليها

عبود : ندر عليها وين ٠٠ الكورنيش كبير وين ندر عليها

فطوم : انا متأكد انك حطيتها في مخباك ٠٠

عبود : ايه انا متأكد انها كانت في مخابي ٠٠

سلوم : يمكن حد باقها ٠٠

عبود : حد باقها ٠٠ منهو يعني ٠٠

سلوم : يمكن فيه حرامي باقها

عبود : حرامي ويش دراه الحرامي ان عندي فلوس ٠٠ (ينتبه عبود لشيء)

- صح كلامك يا سلوم اللي باق فلوسي يدري ان انا عندي فلوس ٠٠
- سلوم : صح يا عبود الحرامي عارف ان عندك فلوس وخاشهم في مخباك ٠٠
- عبود : ومحد يدري عن فلوسي وعيديتي الا انتوا ٠٠
- المربيه : قصدك ايه يا عبود
- عبود : قصدي ان واحد منكم هو الحرامي ٠٠
- المربيه : عيب يا عبود تشك في اصدقائك ٠٠
- عبود : (ينتبه لصلوح الذي قد انهى الإيسكريم الأول واكل الثاني) ما فيه الا صلوح
- صلوح : انا ٠٠ انا شنهو ٠٠ ؟؟
- عبود : انت اللي بقت فلوسي
- صلوح : انا لا يا عبود انا مب حرامي انا رفيجك صلوح
- عبود : لا انت ٠٠ قاعد بروحك وكل اشوي تشتري ايسكريم طبعاً مب فلوسك ٠٠
- فطوم : عبود صلوح ما يسوي هالشي
- عبود : عيل من ؟ من اللي باق فلوسي ٠٠
- المربيه : يا عبود ما تتسرعش يا عبود ٠٠ اكيد انت حاط الفلوس في مكان واسي ٠٠
- عبود : لا الفلوس كانت في مخبائي ٠٠ ومحد يعرف ان عندي فلوس الا صلوح
- وسلوم وفطوم وانتي ٠٠
- المربيه : وانا كمان حتشك في ٠٠
- عبود : بشك فيكم كلكم ٠٠
- فطوم : عيب يا عبود ٠٠ حلیمه مربيتنا من واحنا صغار
- عبود : حتى انتي بشك فيك ٠٠
- فطوم : انا اختك تشك اني ابوق افلوسك ٠٠
- عبود : كلکم ٠٠ يالله طلّعوا فلوسي ٠٠ صلوح ٠٠ طلّع فلوسي ٠٠
- صلوح : انا ما خذت شي ٠٠

- عبود : عيل سلوم
- سلوم : انا لا انا ما بقت شي ..
- عبود : فطوم .. طلعي فلوسي ..
- فطوم : عبود انا اختك ..
- عبود : عيل خلاص افتشكم كلكم ..
- المربيه : تفتشنا .. ليه هو احنا حراميه لا يا عبود ما يصحش كده ..
- فطوم : ان بعض الظن اثم يا عبود .. لازم الواحد يتأكد وما يظن في الناس
- عبود : انا ابي افتشكم وأول واحد بيتفتش صلوح
- فطوم : اذا هذا الشي يريحك .. خلاص فتشنا ..
- (عبود يتردد ثم يقوم بتفتيش صلوح ثم بتفتيش سلوم)
- فطوم : حتى انا اختك تبي تفتشني
- عبود : عيل فلوسي وين راحت ..
- المربيه : يا بني مش انت قلعت الثوب في البيت علشان اغسله ..
- عبود : ايه صح ..
- المربيه : يمكن طلعت الفلوس وحطيتهم في مكان كده والا كده
- عبود : يمكن انتي غسلتي الثوب والفلوس وياه
- المربيه : لا .. انا فتشت الثوب مكانش فيه ولا حاجه ..
- عبود : بس انا متأكد ان الفولس كانت في ثوبي ..
- المربيه : افكر كويس يا عبود
- عبود : حلیمه محد خذ ثوبي الا انتي
- المربيه : ايه قصدك يا عبود حرام عليك تتهمني اني سرقت فلوسك ..
- حرام عليك يا عبود .. انت زي ابني
- عبود : لا يا حلیمه انا ما اقصد بس اقول يعني .. يعني يمكن انتي شلتهم من
- الثوب وحطيتهم في مكان ..
- المربيه : بقولك انا فتشت ثوبك كويس ما لقتش فيه ولا حاجه

- عبود : (بإصرار) انزين خليني افتشك ٠٠
- فطوم : عبود ٠٠ عيب يا عبود ما يصير اللي تسويه غلط ٠٠
- عبود : اذا كلکم محد منکم خذ فلوسي عيل من خذها ٠٠ اربعمية ريال ونص راحوا في الهوا طاروا ٠٠
- (يرى صلوح يأكل الإيسكریم ٩
- صلوح طلع فلوسي وباشتري كرتون ايسكریم ٠٠ ما أدري ليش شاك فيك انا ٠٠
- فطوم : يمكن امي خذتهم من ثوبك
- عبود : عيب يا فطوم ٠٠ فصدج امي باقتني
- فطوم : يا عبود انا قصدي ان يمكن امي طلعت الفلوس من مخابك قبل لا تغسل حلیمه الثوب ٠٠
- عبود : لا ٠٠ انا بروحي مودي الثوب الغساله ٠٠ (ينظر لسلوم) سلوم انت رفيجي طلع فلوسي الأربعميه ونص ريال وبعطيك النص ريال ٠٠
- سلوم : خلاص يا عبود ٠٠ احنا ما راح نقعد ونلعب مع واحد يشك فينا
- المربيه : ياالله خلونا نرجع
- (يتقدم الجميع ويذهبون ناحية الإشاره ويعودون الى مكانهم السابق يبقى عبود مكانه حزیناً)

- عبود : عيل وين عیدتي راحت
- (بائع الإيسكریم في يده نقود ٠٠ يلمحها عبود)
- معقوله هالبیاع هو اللي باقني (يهجم على البائع) فلوسي طلع فلوسي يالحرامي

- البائع : فلوسك شنهو فيه ٠٠
- عبود : هذي فلوسي ٠٠
- عبود : ايه صح فلوسك قديمه ٠٠ انا فلوسي كانت جديده ٠٠ منهو اللي خذ فلوسي
- (المربيه وسلوم و فطوم و صلوح يجلسون في الجهة الأخرى من الشارع)
- (يدخل بشير وهو يبحث عن اصدقائه فيلمحهم ويقترب منهم)
- بشير : السلام عليكم
- الجميع : وعليكم السلام ٠٠
- (بشير يرى وجوههم حيث يبدو الحزن عليها)
- بشير : اشفيكم ز علانين
- المربيه : ما فيش حاجه يا بشير ٠٠
- بشير : (مستغرباً) عبود وينه
- (ينظرون لبعضهم) اشفيكم عبود وينه ٠٠
- فطوم : عبود هناك على الشارع الثاني
- بشير : و ليش رايح بروحه ٠٠ صاير شي ٠٠
- سلوم : احنا ز علانين من عبود
- بشير : ز علانين من عبود ٠٠ ليش ٠٠
- المربيه : عبود هو اللي ز علنا ٠٠
- فطوم : عبود اتهمنا ان احنا بقنا فلوسه ٠٠
- بشير : بقتوا فلوسه ٠٠
- سلوم : ايه عبود ضاعت عيديته واتهمنا ان بقناها
- بشير : (يضحك) عبود ما ضاعت عيديته ٠٠ عيديه عبود عندي
- الجميع : (مستغرباً) اشلون ٠٠
- بشير : بصراحه عبود انسان وايد طيب عرف ان انا ما شريت ملابس جديده
- للعيد فعطاني ثوبه علشان اعيد فيه وكانت عيديته في الثوب اللي اعطاني
- اياه ولما لقيت فلوسه في الثوب جيت علشان ارجع له فلوسه ٠٠

- فطوم : بس عبود اخوي ما قالنا انه هو سوى معاك هالشي ..
- المربيه : لأنه عبود طيب محبش حد يعرف علشان بشير ما ينخرج ..
- بشير : تعالوا نروح لعبود نرجع له فلوسه ..
- سلوم : انا مب رايح انا زعلان منه
- صلوح : وانا بعد زعلان منه ..
- المربيه : لا يا صلوح .. لا يا سلوم عبود مهما كان صاحبكم وهو طيب .. بس كل انسان منا احياناً بيعمل تصرفات غلط واحنا لازم نسامحه لأنه الصداقه فيها تسامح زي ما فيها حب ..
- فطوم : صح كلام حلیمه ..
- (يذهب الجميع ويعبرون الشارع ويتجهون لعبود الذي يجلس وحيداً) ..
- فطوم : تناديه (عبود)
- (يقف عبود فرحاً)
- عبود : فطوم .. سلوم .. صلوح .. حلیمه .. سامحوني انا كنت غلطان .. انتوا لما خلتوني بروحي حسيت ان الواحد بدون اصدقاء وحيد فلوسي ما ابوها .. ابيكم انتوا تكونون معاي ..
- المربيه : شفتوا ان عبود طيب ..
- عبود : سامحتوني ..
- سلوم : انا سامحتك يا عبود
- صلوح : وانا بعد سامحتك
- عبود : وانت يا فطوم
- فطوم : (مبتسمه) أنا لازم اسامحك لأن المعروف اللي سويته مع بشير يخلينا كلنا نسامحك
- عبود : بشير .. أي معروف
- المربيه : الثوب بتاعك اللي اعطيته لبشير علشان يعيد زي كل الناس
- عبود : ولىش قلت لهم يا بشير أنا ما كنت ابي اقول حق حد علشان لا تنخرج
- بشير : اللي عنده صديق مثلك طيب لازم يكون فخور يا عبود ..

- فطوم : معروفك هو خلا بشير يقول لنا ٠٠ بشير حصل فلوسك يا عبود
- عبود : فلوسي وين لقيتها يا بشير
- بشير : في الثوب اللي اعطيتني اياه علشان اعيد فيه (يعطيه الفلوس) تفضل يا عبود
- عبود : فلوسي الحمد لله فلوسي ارجعت لي ٠٠
- المربيه : الخير اللي سويته مع بشير هو اللي رجع لك فلوسك يا عبود لأن اللي بيعمل خير بيلاقي جزاء الخير في الدنيا وعند ربنا
- عبود : أنا فرحان لأنني لقيت فلوسي وفرحان أكثر لأن اصدقائي سامحوني وارجعوا لي اما انت يا بشير علشان لقيت لي فلوسي أنا كنت بخش نص العيديه علشان اشتري سياره لين أكبر لكن اللحين بشتريك فيها هديه
- فطوم : وانا باشتري لك هديه
- صلوح : وانا بشتريك ايسكريم ٠٠
- سلم : انا ما عندي اشتري لك يا بشير لأن صرفت كل فلوسي بس لحظه (يذهب ويقطع ورده من حوض الزهور بالكورنيز)
- فطوم : ايش سويت يا سلم
- سلم : قطعت ورده علشان اهديها حق بشير
- فطوم : غلط يا سلم ٠٠ هذا الورد علشان يجمل كورنيز بلدنا ما يصير نقطفه ٠٠
- سلم : هذي ورده وحده
- فطوم : اذا كل واحد بيقطف ورده بيصير الكورنيز بلا زهور ٠٠ ومب حلو
- عبود : وبعدين وين نروح احنا نشم الهوا في بيتكم ٠٠
- سلم : خلاص ما راح اقطف الأزهار
- المربيه : ودلوقتي يا الله ٠٠ خلونا نفرح ٠٠ كلنا بالعيد ٠٠
- اغنية الختام

النهاية